

# UN BOKA BISA OTRO

## Lès 3

Hopi kristian ta lucha ku e problema pa konta otro hende kiko Kristo a hasi pa nan i kon nan por aseptá Hesu-Kristo komo nan Salvador personal. Algun ta lucha ku esaki pasobra nan no sa kiko nan mester bisa. Otronan ta spantá pa hasié pasobra nan no sa kon hende lo reakshoná. Talbes algun tin impreshon ku bo ta hasi esaki dor di bai kas pa kas papiando ku hende ku bo no konosé. Ma en realidat, kontando un otro persona tokante Kristo mester ta un parti masha normal di bo bida komo un siguidó di Kristo.

Ki instrukshon Hesus a duna segun Mateo 28:18-20? \_\_\_\_\_

---

---

Kiko Hesus ke pa kristiannan hasi segun Marko 16:15? \_\_\_\_\_

---

---

Den Echunan 1:8, Hesus a duna di konosé ku Su siguidónan lo ta

---

---

No tin duda ku Hesus a instruí nos—Su disípelnan—pa konta otro hende di djE. Kon bo por hasi esaki? Tin dos manera prinsipal ku bo por hasié:

1. Dor di duna bo tètimonio personal  
Ku esaki bo ta konta hende kiko Kristo a hasi pa bo.
2. Dor di presentá e evangelio  
Ku esaki bo ta splika hende kon nan por aseptá Kristo.

## BO TESTIMONIO PERSONAL

Pa haña mas di un idea di un tètimonio personal, ripará apòstel Pablo su tètimonio personal den Echunan 26:1-29. Ripará e siguiente puntonan di Pablo su tètimonio:

1. Pablo su introdukshon grasioso - Echunan 26:2-3
2. Pablo su bida promé ku el a aseptá Kristo - Echunan 26:4-11
3. Pablo su relato kon el a kombertí na Kristo - Echunan 26:12-18
4. Pablo su bida kambiá despues di aseptá Kristo - Echunan 26:19-23
5. Pablo su apelasjon pa ku rei Agripa - Echunan 26:24-29

Pablo símpelmente a konta kiko Kristo a hasi p'è. Esei ta un tètimonio personal. E ta un relato kiko Kristo a hasi pa **bo**.

Bo tambe tin un tètimonio personal i e ta importante. Pakiko bo tètimonio personal ta importante?

1. E ta un hèrmènt efektivu pa kompartí bo fe. Algun hende no ta interesá pa tende un splikashon kon nan por aseptá Kristo. Ma nan lo por skucha bo tètimonio personal. Nan no por nenga loke a sosodé ku bo.
2. Bo tètimonio personal por interesá un persona pa haña sa kiko Kristo por hasi p'è.
3. Dios por usa bo tètimonio personal ki ora ku ta. P'esei bo mester ta prepará pa kompartié - 1 Pedro 3:15

Skirbi bo tètimonio personal awor riba un papel apart i tene kuenta ku e siguiente puntonan:

A. Skirbié rònt di e 5 puntonan ilustrá den Pablo su tètimonio personal:

**1. Introdukshon grasioso**

Un introdukshon no ta nesesario tur ora...dependiendo e situashon. Hopi bes e ta varia ku e sirkunstansia.

**2. Promé**—kon bo bida tabata promé ku bo a aseptá Kristo

Lista vários kos tokante bo komportashon, palabranan, i aktitutnan promé ku bo a kombertí. Bo por mensioná bo

metanan i deseonan ku bo tabata buska pa satesfasé (por ehèmpel: biba pa plaser, inrankilidat, miedu di muri, bida sin proposito, èts.)

**3. Kon**—kon bo a bin aseptá Kristo

Deskribí e sirkunstansianan ku a ponébo buska Kristo komo e solushon. Ken a kontábo di Kristo? Unda bo tabata ora bo a aseptá Kristo? Kua teksto di Beibel a sobresalí pa bo?

**4. Despues**—kon bo bida a kambia despues ku bo a aseptá Kristo. Kon bo komportashon, palabranan, i akтитutnan a kambia? Kon Dios a satesfasé bo metanan i deseonan?

**5. Apelashon**

Bo por usa bo tèstimonio personal komo un brùg pa yega na presentá e plan di salbashon si ta pusíbel. P’esei bo por klou-surá bo tèstimonio ku un pregrunta manera:

\* “Algu asina a yega di sosodé ku bo?”

\* “Bo sa sigur ku bo tin bida eterno?”

\* “Kiko bo ta kere ta Dios Su rekisitonan pa un hende tin bida eterno?”

B. Usa palabranan normal, no usa palabranan di misa.

C. Presentá bo tèstimonio personal den un forma di kombersashon.

D. Bisa “ami” i “mi”...no “abo” i “bo”—no prediká p’ é.

## **BO PRESENTASHON DI EVANGELIO**

Ku bo tèstimonio personal, bo ta bisa hende kiko Kristo a hasi pa bo. Ma esei no ta laga nan sa kon nan por eksperensíá Dios Su pordon pa nan mes. P’esei ta bon pa ta prepará pa splika hende kiko nan tin ku hasi pa nan tambe por aseptá Kristo. Nan mester komprendé e plan di salbashon pa nan por hasi e desishon pa aseptá Kristo. Lo siguiente ta un manera símpel pa splika Dios Su plan pa salbashon:

A. Dios ta perfektamente hustu. Siendo hustu, E mester kastigá piká.

Ma hende tin un problema serio, pasobra...

1. Tur hende a hasi piká - Romanonan 3:23

2. Tur hende ta meresé kastigu pa nan piká - Romanonan 6:23 (morto eterno, fièrnu)
- B. Dios ta stima hende i no ke pa ningun bai fièrnu
1. Kristo a tuma e kastigu ku bo ta meresé - Romanonan 5:8 (muriendo riba krus)
  2. Bo tin ku bandoná bo piká i aseptá Dios Su regalo di pordon personalmente - Romanonan 10:9,13

Siña e plan aki fo'i kabes! Di e forma ei, bo ta mihó prepará pa konta otronan kon nan tambe por haña Dios Su pordon dor di Kristo.

Bo tin un mensahe importante pa kompartí ku bo sernan kerí! E ta un mensahe ku lo kambia nan destino eterno...mustrando nan kon nan por skapa for di fièrnu i bai shelu. Sigur bo ke kompartí e Evangelio, e Bon Notisia, ku nan!

### **TAREA PA KAS**

Tin bastante tarea pa kas ku e lès aki, espesialmente #1 i #4. No deskurashá. Hasi bo bèst.

1. Skirbi bo tètimonio personal
2. Despues di haña yudansa lo bo ke korigí bo tètimonio personal, skirbié di nobo, i siñ'é di memoria.
3. Hasi orashon pa Dios dunábo oportunitat pa kont'é na un hende. Usa e chèns ku Dios ta dunábo i kont'é.
4. Siña e plan di salbashon fo'i kabes.
5. Siña Marko 16:15 fo'i kabes.
6. Sigui fiel ku bo tempu ku Dios—sikiera 15 minüt—tur dia.
7. Lesa e siguiente lès i yena e kontestanan.